

萬曆起居注

北京大學出版社

萬曆起居注

封面提字：陶俊山

封面设计：周永喜 高立明 何景贤

**万历起居注（全九册）**

北京大学出版社出版发行

北京大学图书馆文献部印刷

1988年10月第一版 1988年北京第一次印刷

787×1092毫米 1/16

印数：1—200册

ISBN 7—301—00612—8/K·041

## 出版说明

这次正式影印出版的《万历起居注》是迄今存世的最早的起居注。起居注由来已久，先秦史官的职责就是记录帝王言行，「君举必书」。汉代始有起居注名称，汉武帝时有所谓《禁中起居注》，东汉时有《明帝起居注》。北魏孝文帝太和十四年（490年）第一次设立起居令史之官，另有修起居注、监起居注等官，专门记录皇帝言行、朝政大事，起居注制度逐渐完善起来，至明清历代相沿仿效。明朝中期一度中断，但到万历时又恢复了起居注制度，今存《万历起居注》即当时记录的传抄本，也是清代以前历代仅存的较完备的起居注。

起居注是历代王朝修实录与正史的主要依据。由于起居注是皇帝近侍史官原始记录，史料不仅具有原始性，而且也更具有真实性，是一朝的大事记录。所记不仅包括皇帝言行，而且广泛记录一代政务活动、财政经济、政治制度、国典朝章、官吏任免、军事活动、历史事件、民族关系等等，记事不厌其详。然而，明清以前，正史修成，起居注、实录便付之一炬，不留一字，唯恐泄露其中秘密。明清实录幸被保留，而起居注则不免毁灭。

厄运，今存《万历起居注》、《康熙起居注》等，实在是凤毛麟角。

《万历起居注》虽系旧抄本，仍为海内罕见秘笈。据千顷堂、澹生堂书目载为二十卷，今本不分卷，当非一本。这次出版的《万历起居注》是北京大学图书馆所藏明末清初抄本、民国抄本补配而成，是今本中最完整、记事最多的一个本子，其中元年的记事部分，为北大馆独家所有。今天，这部起居注第一次影印公诸于世，为明史研究又提供了大量稀见史料，这无疑是在海内外社会科学学者和广大读者盼望已久的福音。对于各学校、研究单位、公共图书馆来说，它也具有永久的保存价值。

北京大学出版社一九八八年七月十五日

萬曆二十九年正月朔日庚子大學士

題恭遇 元旦令節禮當 慶賀奉 旨傳免竊念

臣備員輔弼受 恩深厚與在廷諸臣不

表不能自己臣謹于本日恭詣 仁德門行五拜三

叩頭禮稱祝 聖壽以少伸臣子慶忭之誠訖謹具

題以 聞 是日大學士趙志舉 題恭遇 元旦

令節禮當 慶賀奉 旨傳免竊念臣備員輔弼受

恩深厚與在廷諸臣不同理宜同次輔恭詣 仁

德門行禮緣臣在告謹於是日恭設香案於私寓令

人扶掖行五拜三叩頭禮稱祝 聖壽以少伸臣子

慶忭之誠訖謹具題以 聞 以 正旦令節 頌

賜二輔臣上尊珍饌 又 特賜次輔燒割一分酒  
飯一卓

三日壬寅以 立春令節 頒賜二輔臣上尊珍  
饌

五日甲辰大學士沈一贯 題新春序入 典禮  
將行又當會試 殿試之年有考試讀卷等事一一  
繁重皆宜備官而首輔在告既難強起臣愚一身不  
給任使伏乞 皇上將屢推閣臣 特賜簡令幾員  
以供承弼典試之用其禮部堂上止有右侍郎朱國  
祚一員亦難展轉併乞 檢吏部所推禮部尚書侍  
郎各本成 點一員以充厥任庶幾衆職有供而

典禮無廢緣時日近迫職掌攸關不敢不摘其緊要者冒 顏以請惟 皇上重念而亮允臣不勝幸甚

伏候 勅旨

九日戊申大學士趙志臯沈一貫 題恭遇平播

功成布告天下臣等撰擬 詔書於本月初六日

進呈伏請 聖明裁定未蒙 批發照得 詔書頒

布例該二十七道非一時倉卒所能繕寫十一日當

用 寶隨即封 奏十二日下十三日百官拱候

開讀 頒給逐日換次更無寬餘若不催請誠恐臨

期有悞伏乞 速賜批發臣等不勝跂望之至

十三日壬子 上御午門樓以平播功 詔天下



詔曰朕嗣承歷代式奉先猷欲人並生庶幾不擾  
八年以來俄煩甲兵賴天地廟社之靈將相臣  
民之力內攘外卻無損國威然彼皆文告不來自投  
繫鎖朕甚憫之非為快也惟此播州故有楊氏為夷  
長率受我冠裳子孫之仍藉有年朝廷之發露良厚  
夫何其末竟應龍者安忍無親大逆不道當其嬖寵  
戕嫡淫刑禍民毒痛一方凶殘七姓國人皆曰可殺  
朕心不忍加誅因其漢官疆以戎索曲從贖死為德  
甚弘而乃下惡不移肆行無忌敢為嬖辱妄意存窺  
既通重慶之囚遂決跳梁之志收藏亡命攝煽苗夷  
震駭兩川恫疑四海朕猶時覃在省未即移師而賊

顧因撫成驕因驕成亂內則借越王章無復人臣之  
禮外則矜調物力有輕中國之心掩不備于秦江梗  
道塗于湖貴為臣若此孰其堪之夫帝王之道推亡  
固存邇來東西之故胡不聞馬是用一勞師徒四徵  
饋餉天休人力涌霧屯雲發蜀楚黔滇土著之兵下  
秦晉吳楚如林之甲婁山崖門之陞平地九衢涸潭  
河渡之深崇朝一葦拔徒鼠窺侮社飈焚穴搏塗窮  
登高塞白猶自謂重關百仞可敵萬夫困獸千羣堪  
資一戰豈知天心既吐地險何憑死關不能詐降不  
可百道圍而鳥飛絕九攻合而蹇无啼突士盡而鼓  
聲哀離歌悲而豔妻訣夫應龍以極惡就經一死安

贖是命劉屍傳首龍天嚴誅其妻擊索與七十餘人  
檻來闕下重者分裂輕者鉗奴自餘在播者下傳近  
獄有司報治千年守土一旦立墟伊誰竇然豈朕之  
意於戲漢封遠莫代有棄置蠻夷君長人安與安惟  
虔劉無度子一人貴不思于赤子亦明天地雖廣日  
月無私穢無遠而不䟽惡無微而可蘊苟有昏暴淫  
虐蔑常亂紀朕雖欲赦如天弗容其明告中外有土  
有身視為前車各戒爾後氣慝初消瘡痍未起師之  
所處荆棘生焉邑里蕭條哀此苑獨凡蜀楚滇黔有  
因兵加派錢糧及一切可緩積逋若誑誤輕條並令  
所司酌量蠲宥救乏振滯蕩滌煩苛咸與維新安生

樂業布告中外俾共聞知

十六日乙卯大學士沈一貫 題照得今年二月  
當會試之期舊例 命閣臣一員主考今首輔病已  
危萬止臣一員直閣無可承遣又禮部舊例該知貢  
舉官二員一員入場供事一員在部掌印今止有右  
侍郎朱國祚一員不免顧此失彼其殿試事務尤係  
內閣專職往時閣臣四五員分理尚恐不給今臣一  
身豈能獨辦亦恐禮部之難拮据也且今 冠婚  
冊立 大典將成備禮備官需人尤急臣于本月初  
五日上揭恭 請久候未下輒敢不避煩瀆乞 皇  
上親簡閣臣數員以資贊襄并于吏部會推本內點

禮部尚書侍郎各一員以充任使不勝惓惓至素嬰  
多病近益衰殘年間屢告實非得已今月初十日詣  
午門前謝假俄觸風寒即發痰暈又汗又吐又下  
一時並集移時方有扶掖還家調理緣係令節不  
敢奏聞至十三日因頒詔慶典強供出事今猶  
日眩耳鳴不耐辛苦君思山重聖眷天隆妾身  
鞠躬自臣分誼但恐力窮智竭債轅覆餗憂不細也  
既無所推避又無所控祈且係迫切繫要之途安得  
不哀請于君父之前惟冀聖慈俯留片晌之神  
不惜隻字之重命官分治以亮天上庶幾臣亦得  
藉手以報鴻恩之萬一也臣無任瞻望之至

十八日丁巳大學士沈一貫題該刑部等衙門  
一本為糾劾事因天下大小官員來朝擬于二十三  
日舉大班糾劾之典臣惟朝覲考察國家大事  
既以點陟寄之部院慎評隲而明至公又以糾劾揚  
之 大廷飭訓辭而昭 聖意不過一臨蒞一成論  
而激勵人心之大機實在於此自頃以來 皇上存  
真清鑒希傳 譯音而法禁浸疎人心浸玩則所以  
易疎而密起玩而惕者正在今日蓋此典乃三載一  
行非常行之典各官又萬里遠至非常朝之官考察  
既平雖薄有所懲而糾劾未行豈翻然知改非引之  
于至近臨之以 至尊肅之以彈章霽之以 玉音

則德意無由而宣達精神不見其流通此一大計  
亦故事耳而人心終無警吏治終難興也比者征搗  
獻俘御樓受賀各官快覩猶謂奇逢若親以其職  
事而儼然睹天威于咫尺輒然聆天語之責成  
其為濯摩更富萬倍伏願皇上暫移天仗一御  
文華殿面賜糾劾處分不惟使來朝諸臣有所  
稟承而在廷在外將爭自奮於忠宣德意于天下  
其裨吏治非淺矣臣不勝跂望之至  
十九日戊午大學士趙志昇沈一貫題去年九  
月二十九日該司禮監傳奉聖旨天氣寒乍冷皇  
長子明日起免講學欽此臣等照得禮部題准每

年年節上元假至正月二十日止自二十一起以  
後照常講學今歲天氣和暈即吉典將行餘日不妨  
講讀臣等擬得本月二十五日及二月初二日皆吉  
伏望 欽定一日開講以後照常講學未敢擅便謹  
題請 旨 是日大學士趙志臯沈一贯 題 皇  
長子講筵原設侍班官二員講讀官六員近因各官  
陞任給假事故等項見在止有曾朝節范醇敬黃祥  
三員尚缺五員當補臣等推得少詹事范醇敬堪與  
侍郎曾朝節一同侍班左庶子唐文獻右庶子楊道  
賓左諭德黃汝良左中允區大相各以原官右諭德  
管司業事蕭雲舉仍以原官回坊俱堪與右諭德黃



輝一同講讀伏乞 欽賜批發行令欽遵供事未敢  
擅使謹題請 旨

二十二日辛酉大學士趙志臯沈一貫 題為印  
信事照得右春坊掌坊事右庶子袁宗道病故遺下  
印信正等推得左春坊左諭德兼翰林院侍讀黃汝  
良堪以掌管其右春坊右諭德管國子監司業事蕭  
雲舉應以原官兼翰林院侍講四坊管事遺下司業  
員缺吏部為推恭候 命下合欽遵施行未敢擅  
便謹題請 旨二月初六日奉 旨是吏部知道  
是日大學士趙志臯 奏為篤病危在頃刻懇乞  
聖慈矜憐早 賜一刻放免以遂臣瞑目事臣之疏